



Дунё микёсида савдо-сотикнинг 20% даромади ҳалол озик-овкат савдосидан тушади. Бирок олмон дўконларида саккиз қирра юлдуз ичига “ҳалол” сўзи зарб этилган маҳсулот танқис. Ўз-ўзидан “Олмон савдо тизимида мусулмон харидорига эҳтиёж борми?” деган ўринли савол тугилади.

Дунёдаги мусулмон уммати 1.6 млрд одамни ташкил этади. Уларнинг аксарияти ўз динининг тамойилларига мувофиқ, яъни ҳалол овкат истеъмол қиладилар. Айрим ҳисоб-китобларга кўра, дунё микёсида савдо-сотикнинг 20% даромади ҳалол озик-овкат савдосидан тушар экан. Мутахассисларнинг фикрича, бу рақамнинг Олмония бозоридаги улуши 5 млрд еврони ташкил қилиши мумкин. Бу мамлакатда 4 миллиондан ортиқ мусулмон истикомат қилиши эътиборга олинса, бу ажабланарли рақам эмас. Бирок ҳалол маҳсулот билан савдо қилувчи олмон ширкатлари ўз рақибларидан сезиларли даражада орқада қолиб кетганлар.

«Олмон тадбиркорлари ҳалол маҳсулотлар савдосига жуда ҳам кеч қиришдилар» дейди Аня Шли. У олмон-турк озик-овкат маҳсулотла симпозиумида катнашар экан: «Уларнинг тутган ўринлари франсуз, ҳолланд ёки британ ширкатлари мавқесидан анча заиф», - деди.

Даромадли иш

Ўз маҳсулотларини мусулмон ўлкаларга экспорт қилишни йўлга қўйиб олган халқаро ширкатларнинг тажрибасига кўра, Ислом шариатига мувофиқ келган озик-овкат савдоси мўмайгина даромад келтиради. Мазкур ширкатлардан бири Швейцариянинг «Нестле» консерни бўлиб, ҳалол маҳсулот савдоси бу ширкатга даромадининг 5%-ни келтиради.

2010-йилнинг куз мавсумидан бошлаб бу маҳсулотларни энди Олмония дўконларида ҳам топиш мумкин. «Нестле»нинг Олмониядаги бўлимнинг матбуот қотиби Серен Пинковнинг сўзларига кўра, консерн Олмонияда яшайдиган кўп сонли мусулмон миҳозларга аллақачон эътибор берган.

«Улар «Нестле» учун келажакда савдо-сотик қилишда тижорий салоҳияти юқори бўлган

эhtимолий мижозлардир».

Бир катор Оврупо мамлакатларида, жумладан Францияда, Белгияда ва Холландияда озик-овкат ишлаб чикарувчи консернлар мусулмон мижозларни жалб килишга харакат киладилар. Аммо олмон тадбиркорлари ва ширкатлари бундай кадам кўйишга журъат кила олмаяптилар. Кўпчилик халол махсулот савдоси уларнинг обрўйига футур еткизиши мумкин, деб кўркадилар. Чунки кўпчилик гайридин мижозлар бундай харакатда ўз жамиятларнинг «исломлашиб» кетиш «хавфидан» хавотирдалар. Ўнгчи эсктремист гурух вакиллари хатто очикчасига айбловларни бошлаб юборишлари хам мумкин.

«Шунинг учун, – дейди Аня Шли, – халол махсулот ишлаб чикарувчи ширкатлар «жимгина юриш» яхширок, деб биладилар». Махсулотнинг халоллигига далолат килувчи ёрлик кўзга ташланмайди; бунинг устига олмон дўконларида алохида халол расталар хам йўк.

Халолми ёки халол эмасми?

Шундай бўлсада, олмон дўконларида мусулмонлар истеъмом килишлари мумкин бўлган карийб 4 000 хил турли махсулот сотилади. Бирок уларга «халол» тамгаси босилмаган. Хўп, уларнинг халол эканлигини кандай билиш мумкин?

«Нуга, ун, гуруч, шакар, ўсимлик ёғи, ёнгок-магизлар, лактоза, какао кукуни, туз, эмулгатор, соя леситини — буларнинг барчаси халол ва сотиб олсам бўлади», – дейди Мелиха Серефижон ва аравачасига икки кути жўхоридан ясалган бўтка солади. 39 ёшли тур аёл озик-овкат солинган аравачасини катта супермаркетнинг расталар орасида туртиб юрибди. Кейинги «манзил» - кандолат махсулотлари. Мелиха кўлига печение кутисини олади.

«Е 471, Е 476, Е 475 – буларни рўйхатдан караш керак», дедида тўнининг чўнтагидан тўртга букланган бир парча когоз чикарди. Когозчада 300 дан зиёд эмулгаторлар кискартмалари бор. Таркибида алкоголь ёки хайвон ёғи бор эмулгаторлар юлдузча билан белгиланган. Бундай рўйхатлар исломий вебсахифаларда бисёр. Мелиха керакли кискартмани топди ва кутини жойига кайтарди – у халоллик талабларига жавоб бермади.

Аёлнинг сўзларига кўра, эмулгаторларнинг таркиби яхшилаб ўрганилади. Рўйхатни тузувчилар махсулот ишлаб чикарувчилар билан бевосита боғланиб, унинг таркибида нималар бор, кандай кимёвий элементлар мавжуд эканини ўрганадилар ва шундан кейингина рўйхатга киритадилар.

Мелиха музлатилган курка кўйилган раста олдида хатто тўхтамади, чунки у олмон дўконларидан гўшт сотиб олмайди. Лекин «Анвойи балик» идишини текшириб кўриш мумкин.

«Йўк, бу «Анвойи балик» хам бўлмайди экан. Балик, сабзавотлар, сув, помидор, эдам пишлоги бор экан. Буларни истеъмом килиш мумкин, бирок улар билан яна желатин хам кўшилган экан. Уни эса истеъмом килиш мумкин эмас», – дейди мижоз аёл.

Вактинчалик муаммо

Халол маҳсулот излаш кўп вақт талаб қиладиган ишга айланиб бормоқда. Шу билан бирга Олмонияда турк ва араб тадбиркорлари асос солган ва бевосита араб давлатларидан маҳсулот импорт қилувчи дўконлар кўпаймоқда. Хўш, олмон улгуржи савдо ширкатлари мусулмон миждозларни ўзларига жалб қила оладиларми? Бремен шаҳридаги халол маҳсулот сертификати берувчи ташкилот бошлиги Ёвуз Ўзўғуз ба масала вактинчалик масала эканлигига ишонади.

«Франсиянинг кўплаб супермаркетларида халол маҳсулот сотиладиган бутун бошли расталар бор ва у ердан истаган нарсани топиш мумкин. Назарий нуқтаи назардан қаралса, айнан шу ишни Олмонияда ҳам қилиш мумкин», — дейди Ўзўғуз.

"Deutsche Welle"